

1042



1. Strauß / Jac. / Verdicht auf den
von Luther, Eisenach, 1523.
2. Der Schlüssel Davids, 1523.
3. Bucer p. Mart. / von den nennungen
an dem Neftmaß der Form.
Straßburg 1524.
4. Hedion f. Cyp. / Zwei yw. d. g. t. m.,
von der Zofung, Straßburg
1524.
5. Carlstadt / Andr. / vom Sacrament
der fleischl. und blutl. Christi
W. Hamb. 1523.



15
Zu dem zehnen

den Zwo trefflicher pre

dig/ Bescheen im Münster zu Stras

burg / Vff den .xx. tag

Novembris

Anno M. D. XXIII.

Mit Sendbrieff

An das christlich heüßlin im

Kinckgaw / Menzer

Bistums.

Durch D. Casparn Hedion.

Faint, illegible text, possibly bleed-through from the reverse side of the page. The text is arranged in several lines and is significantly faded and obscured by water damage and staining.





Ein christlichen heiffen

im Rinckgaw Mentzer Bistumb / D. Caspar Zedio / Predicant der hohen stiftt Straßburg wünscht Gnad vnd frid vñ gott vnserm vater vnd dem herin Jesu Christo / Amen.

¶ Lieben fründ vnd brüder in Christo. Es ist ein iar gewesen in vergangnem summer / das yhr mich besprochen / ich wolte vff der weckolterheyd bey Erpach / am tag der grossen procession (wie irs nennen) vch das wort gots verkündigē / darein ich dan gern bewilligt hab / ganz geneigtes siñs / worin mir möglich vch zudiene.

Groß procession im Rinckgaw

Vnd wiewol etlich / deren gott yhr buch ist / vnd die verderbnis das end / wunder grosse sorg hattē / ich wurde mit der sprach heruff faren (wie dan ich yhr vnchristlich leben dem glauben vnd der liebe zewider / nie hab mögen lobē) vnd von den zehenden sagen / deren sy sich leyder übel brüchen / wie dan an obgenantem ort etwan auch gethon het / christlicher warheit hertzhafter retter D. Jo. Wessalia / das sy den noch im magen schmirzt / als die übelthewigen. Jedoch hab ich den zumal mein geyst mir selbs vnd worffen / vnd die selbig inen vnliebliche materi lassen berüngen vnz zu seiner zeit. Doch nach gebner gab euwer liebe anzeigt / die fürnembsen puncten vnser glaubens / was Christus sey / wo zu er geben sey / warin ein christlich leben vnd solichs grüntlich vñ dem euangelio Johan. am 6. ca. Mein fleisch ist warlich ein speiß / vnd mein blüt warlich ein drancf etc. Vnd wo yhr meine red den zumal vermerckt vnd behalten haben / als ich gütter zuersicht syn / werdē yhr vch mit solchem creüzgang / procession vnd tritaltigem sacrament thinsen freylich mit mehr bemühen oder beladen / wie yhr den allweg im sybenden jar zuthun / alte gewonheit gehabt haben. Die weil yhr nūmehr wol wissen woran die sach gelegen ist. Das reich gotts kumpt nit mit

Wer nit gerne hört von Zehenden sagen. Ioanne. Vuessalias

Inhalt christlichen glaubens.



eüsserlichen geperden / man würt auch mit sage / Siehe / hie
oder dort ist es. Dan seht / das reich gottes ist inwendig in
euch Luc 17. Gott gefälliger dienst ist / seinem wort glaubē
Gotsdienst dardurch im vertruwen / vnd hoffen in das so er zügesagt
hat / ynen loben vnd lieben / vnd vmb seinet willen lustig
sein yederman gütts züthun / yederman zü dienen / allerley
zü leyden. Das ist das grössst vñ fürnemst güt / so do
übertrifft alle creüzgang / opffer vnd Brandopffer. Vnd
Man such wo wir das reich gottes der massen suchten / wurden vns
das reych alle ding reulich züfallen / es wer essen / trincken oder kleyd-
gots würt ung / vñ vnserm himlischen vatter / der auch die vogel vñ
narüg nit der dem himmel erntet / die nit sähen / erndten oder in die
brösten. scheuren samlen / vnd die lilien / so nit arbeiten oder nehē
bekleydet. Tu sind wir yhe vil mehr dan sye / vmb deren
willen gott seinen eigen sun gegeben / vnd mit ym alles ge-
schenckt. Wie offte hab ich mich euwerthalb geinnert liebē
frummen Rinkgawer die weil ich vermerckte euwern her-
zen lust züm gots wort vnd vffgang des Euangelij / vnd
Das Rink yhr aber so mit wenig rechtgeschaffnen hyrten ver- sehen /
gaw übell die euch vñ der götlichen geschriffte lernten gott erkennen /
versehen lieben vnd fürchten / vnd den er gesandt hat Jesum Chris-
mit lerhaf tum. Vast groß ist der zehen so yhr geben / wie dan meng-
ten. lichem kunt vnd offenbar ist / nach fruchtbarlicher art eu-
wers lendlins. Aber für wenig würt das bedacht von des-
nen / so hochgeflissen solchen einzünemen / vnd aber nit o-
der gar wenig dargegen thun. Man weiß leyder wol wer
sie sind. Christliche diener des worts vñ des gemeinen
nütts berürt dis schreiben gar nit / denen man schuldig ist
narung. Schämen solten sich yhene in yhr hertz hynein /
yhrs vngegründten vnd gar nit rechtmessigen titels / das
mit sie das almüsen besitzen. Dan ye zehenden / wie yhre
selbs doctores sagen / almüsen sind. Ja besorgen solten sie
zuehenden sich / das nit d erdboden sie einst verschlünde wie Dathan
sind. almü. vnd Abiram die kind Eliab mit yrem gesind / der grossen
sen.

tyranney vnd reuberey halben. Wem nutzen sy / ja wem
schaden sy nit? Darumb die weil die (so den herin Jesum
täglich töden / vnd yhre eigen propheten / so sy nit solten
anrüren od übel handelt / veruolgen vnd in die thürn wer
fen / gott nit gefallen oder auch den mensche / sonder d war
heit widerston das man nit predig) ye nit zu der sach thun
wollen / ~~der~~ selen heyl ernstlich zu bedencken / vmb derē
willen Christus sein theur blüt vergossen hat / ey so greiffst
yhis an / wagens vff gots barmherzigkeit vnd sein allme
chrigs wort / haupts des fag vnd recht für gott vnd aller er
barkeit / Versehen euch vnd die euwern / das yhr dan (bey
gots vngnad zu vermeiden) schuldig sein / mit dapffern vñ
chustlichen predicanten vñ pfarrhern / so vnsträfflich sind
lerhafftig etc. wie sie Paulus beschreibet 1. Timot. 3. Titu 1.
Anderer so man vntz hieher für priester gehalten hat / mag
man wol entbären. Ihene aber / auch in kleiner zall / sollen
bald grossen rhat schaffen / sind notwendige personen / die
weil man täglichs chustlicher ler vnd ermanung bedarff.
Es hat Straßburg im iar do man zalt 1240 wenig meer
dan drey priester gehabt / als Bischoff Wernher von Ge
rolzeck der statt zuwider vffwecket ein pfaffheit hinuß zu
ziehen / Vnd ist doch ein ganz iar das volck versehen wor
den / on erforderete hülf der entwichenen / wie die Annales
vffweisen. Was bedarff man eines solchē vnzalichen hauf
fens / deren vielen / kārft vnd hantwen bas an stünd / dann
chorock oder chorkappen. Die frummen gots fürchtigen
vnd lerhafften in zimlicher zall mag man wol ernern / frey
halten. Aber vil vnfrum / gottloß / selloß / hertzloß vnd ler
loß / Wer wil / wer mag / wer kan on iamer vñ klag / ler ger
leyden oder dulden / neren / erzihen vñ mösten. Doch liebē
fründ vnd brüder / vff das yr die hende nit verbrennen od
Beschmeissen / wie sie sagen / an den gesalbten des herren /
was yhr ynen vor gott schuldig / vnd wo zu vch die not
wendigkeit der welt treiben sol / vnd wie mit einer protestas

Der gemei
stot zu /
mit diene
ren des
worts sich
zuversehē

Inhalt der
zwei pre
digen.

Worüb sol
che predig
durch den
truck auß-
gangen.

zeitliche
ding ver-
achtlichen
lieb züha-
ben.

tion ynen d zehend sol geben werden / wo sy ye nit wollen
ablassen / werden jr gnügsam lernen in disen zweyen predi-
gen vff den xx. vñ xxi. tag Nouemb. vñ mir zu Straßburg
im thumstüfft beschee / welche den vñ mir beschriben / bey
nach wie sie vff d canzal bescheen sind / niemā zu trutz od
leyd / sund zum teil / dz mir meine wort nit vbert wurde / wy
den oft vñ denē beschicht / so den spinnen zügē / h überal
dz gifftruß sugen wellē / da auch gar keins ist. Zu teil auch
darüb / das yhr vñ ander / so vñ disem kercker nach zur zeyt
nit mögen erledigt werden / trost hetten ab der erkantnuß
d warheit. Wer weiß / es mag vñ vñ der widerparthey
auch so oft jr vnfrüntlichs vngegrünts ein nemē scherzē /
vñ schaben ab dē armen man / vmb die oren pleüt werde /
das sy hindennoch vñ schamröte nachlossen müssen / oder
die beschwernuß mindern / das den vñ vil weg möchte be-
scheen / wo die lieb in ynen sein würde / die nit eigennützig
ist / vñ die moren yre hutt verwandleten / vñ das pardel
thier die gesprücklete farb. Bald wer dohin gepredigt / mā
solte kein zehenden geben. Aicht auch man würde gern vol-
gen vñ gehorsamen / das doch weder ich noch yemants
sagt. Doch künd man die beredē / die den zehenden vnbil-
ich erfordern / von irem fürnemē abzúston vñ platz geben
denen so von rechts wegē zu stat / hett man wol gefochte.
Got geb gnad / dz man alles zeitlich zergäcklich ding d ma-
ßen handel / das sie vñ an den geistlichen / götlichen vñ
ewigen nit hindern. Die zeit ist kurtz lieben brüder / man
bruch sich der welt als brauch man sich yhr nit. Dan das
wesen vñ diser welt verghet. Darumb zu letzt lieben brüder
frewet euch / seit volkommen / tulden das mit fügen nit mag
geendert werden / tröstet euch / haben einerley mütt vñ sin
gott für augen / seit fridsam / so würt gott der liebe vñ des
frids mit euch sein / Amen.

Es grüssen euch meine mitarbeiter im wort / D. Wolff.
Capito / D. Antonius Engelbrecht verlagter vmb s euans

geliums willen/ M. Matheß Zell/ Martin Buzer/ Sym
phorianus/ etc. Die gnad vnser hern Jesu Christi/ vñ die
gemeinschaft des heyligen geysts sey mit euch allen.
Geben Straßburg/ vff Catharine/ im .24. Jare.

Die erst Predig von dem Zehenden. Beschee vff den xx. tag Nouem bris.

Der weil der text des vierzehenden capitels im erste
Buch Mosis außweist/ wie das Abram dem Mel
chisedech den zehenden geben hab von aller beütte/ als er
wider kam von der schlacht des Redorlaomor vnd der kü
nig mit ym etc. Wurd ich verursacht/ vff das gründlichst
vnd christlichst/ von den zehenden ein mal zusagē/ damit
zum teil begegnet werde denen so stätz schreyen vnd klagē.
Wan man im predigen da hyn komme/ so hab vnser predi
gen ein knopff/ so treiben wir nit für an. Wolan/ nun ist
hie die geschrißte ein zweischneidig schwert/ durch welche
wol sol vffgeledigt werden diser knopff/ ob er schon von
Zercule selbs knüpffst were. Darzū wo die/ so on alle grūd
sich vermessen den zehenden zūuertedigen/ yhre adaman
tischen argument wolten einfüren/ so ist bocksblüt verhä
den/ damit wir sie wol wollen sprengen vnd zerschmeißen
mit der hülff gottes/ des wort allmechtig vnd ewig pleibt
Wollen aber darvon reden mit der protestation/ das wir
weder menschliche gerechtigkeit/ oder notwendige d welt
ordnung begeren zuzerretten. Auch das den obern/ vñnd
keiner sündlichen personen gebüre mit gwalt etwas fre
uelich hjerin zū endern.

Ein knopff
in der zehē
dische ma
tery.

Bocksblüt

Protestand

Die Land=
red vō un
serm pre=
digen.

Böß vögl

¶ So vff dem land von vnserm predigen geredt würt/
hör ich wie das etwan mänger wenig achte/das man den
glauben treibt/vnd rechtgeschaffne gürtte werck/gedult/
absterben sein selbs/vnd wie yederman täglich sein selbs
creütz tragen solle/etc. Sunder gar bald wüschē sy mitt
solchen fragstückē herfür. Lieber/sagt man nit zū Straß
burg man soll kein zehenden gebē/zynß vnd gültē bezā
len etc. Nū ist wol zū erachten/wie solchs vnderweilen
von leichtuertigen vogeln geredt würt/deren erbarkeyt so
gering/das wo sy vff einem würffel lege/müß man mit ei
ner leytern hinuff kläbern/fressen vnd sauffen/vnd ein
picurisch leben führen/wolten sy vast gern/es were nachtei
lig wem es wolt/lossen weib vnd kind grossen hunger ley
den/sind sie an denen orten/da alle leichtuertigkeit fürgat
arbeiten gar nit/sunder begeren vß anderer arbeit/sie sul
vnd fressig erzogen werden. Vffs wasser mit denen buben
fallen sy hinunder ist kleiner schad.

Doch befindet sich dargegen/das obgenante red etwan
auch von etlichen gütherzigen/einfältiger vnd notwens
diger meinung beschicht/die dan (wie man sagt im spruch
wort) da die hand haben/da sy das geschwer trucket.
Indem das man on alle erbärmuß/mitzerbrochnē richte
scheit der brüderlichen liebe gegen ynen fert/es wachse et
was oder nit/es kum̄ donner/plitz oder hagel/es begegne
dem armen man was da wölle an weib kind vñ aller hab
vff das ye die bezalung stehele vnd adamantisch sey. So
doch ein kleines nachlassen/offt über die maß grosse frünt
schafft vnd liebe brechte/der arm arbeitend man desters
lüstiger würde in seiner grossen mühe vñ bitterm schweiß
Vorab so by den nemenden/mächtigt grosser überfluß/da
etwan sechs oder acht so vil besizen/das sich funffzig/
sechzig möchten rülich daruß begon/vnd dargegen bey
den gebenden so trefflich überschwēckliche nott/der sich
ein

sich ein steinen hertz iamern solte. Aber das wir vff das ein
feltigst vnd kurzlichst die materi handlen/hören zū/ vnd
verstands.

Es ist ein spruch gots Gen. 3 zū Adā vñ alle kinden
Ade. Im schweiß dines angesichts wirstu niessen
dein brot. Darin vns gar bedēütlich die arbeit ge
botten/vnd der müßiggang menglichē nidergelegt. Dañ
wie der vogel zūm flüg / also der mensch zū der arbeit er
schaffen ist/einem seligen ding/psal. 128. Du wirst dich ne
ren deiner hād arbeit/wol dir/du hast güt. Wie dañ dar
gegen d müßiggang ein vn selig ding/vbant durch Paulū
2 Thes. 3. vnd bey dem propheten Ezechiel vnder den vn
tugenten Sodome/als ein greuwel erzelt würdt.

Es teilt sich aber die arbeit. Dañ eine ist im wort (vff dz
wir an dem edelsten vnd hochwürdigsten an fahen) Das
ist predigen das reich gottes/bezeugen das Euangelion d
gnaden/verkünden das vrtail vnd die rechtuertigūg/da
müß man hacken/reütten/seihen/pflanzen/ziere 1. Got
gibt das gedeyen 1. Cor. 3. wacht vnd hutt halten Esa 62.
Wer den falschen propheten/den hunden vnd feuwen/
den arbeitern der bosheit Math. 7. Da müssen wir wag
hālf sein/vmb der eh: gottes/ vnd vnserer brüder heil wil
len. Der dieser arbeit getreūlich (wie man schuldig ist) wil
nachkommen/suchen was Christi ist/vnd nit was d kistē/
sorg tragen für alle gemeinden/warlich diser würdt nit für
ein müßiggonder erachtet werden. Vnd die weil der arbei
ter seins lons würdig ist Matt 10. vnd die so wol fürstehē
zwifacher eeren werd sind /sonderlich die da arbeiten im
wort vnd in der ler 1. Timoth. 5. 1. Thess. 5 mag ein solcher
auß frembder hand arbeit sein narung/das ist/ fütter vnd
decke nemen/Es werde genant presenz oder absenz/das
zehend oder das dreißigst teil.

2 Arbeit
im wort.

2 Arbeit
in regier=
üg des ge
meinē nu
tzs.

¶ Ein ander arbeit ist deren / so gemeintem nützlich für sein /
als do sein weltliche oberhern / vß gots gnediger ordnung
vßgesetzt / welche so sie nit sin vngetraw / gellen der diech
haben nit lieb die schencken / vrteyln dem weyssen / lassen
die handlung der wytstrawen für sich kommen / fürdern dz
güt / widerston dem bösen / halten ob gotts wort vnd ord
nung / widerston den antichristischen büben / zerreyßen vñ
zerstören dargegen vßgerichte teuffels ordnung / oder wo
sie es nit mögen / das sies doch meyden vnd fliehen.

Denen ist man auch schuldig gnügsame erhaltung vß an
derer hand arbeit / man nennes zehend / Tribut od schatz
ung / sie gond ia nit müßig / sund essen yhr brot im schweiß
yhrs angesichts.

3 Hädar
beit tusen
terley.

Großer
schad das
die schül
so übel
versehē.

¶ Die dritt ist / damit sich der gemein handwercksman be
gat / die handarbeit die tusenterley ist / dozū den alle die / so
der gemein in geistlichen oder weltlichen sachen nit mögen
dienstlich sein / gezogen sollen werden vnd getrieben / vß
das ye nieman dem geheiß gottes zūwider müßig gang /
Damit aber den Schülen zuhaben / vnd dem formiern vñ
vßziehen der iugent nit gewert wurt. Wie dan leyß yezūt
ein schadhafftige meinüg in vilen vermerckt wurt. Als ob
man darumb nit meer die kind zū der ler halten solte / das
das gemünchs / gepfesss vnd genüns verschwanet vñ zū
nüt wurd / wie dan die pflanzung / so nit vß gott ist / muß
vßgerütet werden. Gwislich lieben fründ / sol in zükunfft
ein entliche besserung vnd reformation verhofft werden /
so wurts bescheen durch die / so yezūd vßwachsen im ver
stand der waren erbarkeit vnd christlicher gotseligkeit.

Dann auß denen muß man ye predicanten vnd pfarhern /
Rhatshern / Regenten vnd fürweser erwelen / da werden
dan mit zusamen gsetzten krefft die wol angefangen dig
in gott dem hern tapffer vßgon / wir arbeiten ynen vor /
in vnser arbeit werden sie komen vnd hie wirts der spruch
war. Diser seyhet / ein anderer schneyt.

¶ Au sind weiter etlich / vff das wir nit zu weit vstretten
die zu der arbeit vntüglich / als da sin etwan alte leüt / krän-
cke leüt / vnd der gleich. Dweil nun dz gsatz verbeüt / man
sol nit betlen / Deut. 15. Vnd das Euangelion vorab allen
Bettel verwirfft (on angesehen was Gock's vnd Magogs
jünger / so mit dem lamb in Apocalypsi streitten / darzu sa-
gen) sollen solich / wo sy mangel haben / in der gemein von
der arbeit anderer auch erhalten werden. Das dan die al-
ten verursacht hat Gerontotrophia vñ Nosontotrophia
vffzurichten / wie dan by vns sein mögen spitäl / elend her-
bergen / vñnd der gleichen götelich stiftungen / wo mans
recht haltet / alte francke vñnd arme leüt / darin nach aller
notturfft zu vor sehen / vnd nit die / die armen sind / so den
armen warten sollen. Dann wie wols gott der allmechtig-
hette mögen gleich vsteilen / das yeder als vil als der and
gehapt hett / hat er doch reich vnd arm gemacht / vff das
die reichen in der Barmherzigkeit vnd reüligkeit / die armē
in gedult vnd leydenhaftigkeit sich üben / wie geschriben
stot 2. Cor. 8. Es diene euwer überfluß yhrem mangel / vff
das auch yhrer überschwanck hernach diene ewerm man-
gel / vnd geschree das das gleich ist / wie geschriben sthet :
Der vil samlet / hatte nit überfluß / vnd der wenig samlet /
hatte nit fäl / etc.

¶ Im alten Testament gab das volck vnder dem gsatz
Decada / das ist das zehent teyl / dem geschlecht Levi. Wei-
ter so gaben die Leuiten / das ist / der vnderst stand der die-
ner / vff dem zehenden auch den zehend / vñ hiessens Deu-
terodecada. Sie aber bede / die leuitten vnd priester / hettē
kein teil noch erb mit Israel. Die opffer des hern vnd sein
erbtteyl solten sy essen. Dannenher ynen gebürt zuston an
dienst im namen des hern / Deut 18. ¶ Es waren auch and
zehenden / welche dan ein yeder von dem volck Israel in
seiner scheüren absundert / das er esse / so er gieng gen Zi-
erusalem zum tempel / vnd auch hette im vorhoff des tempel

Bij

Vntiglich
personen
zu d' arbit

Spitäl.
Elende
herbergē

Mägerley
zehend.

Der prie-
ster vñ le-
uitten.

pels/darzu er die leuiten vnd priester lude. Den armen leg
 ten sy auch zehenden vff ein ort/nantens prochodecad as/
 Deut. 14. Tu die erstling von den fruchten/so sie opfertē/
 hetten kein Besondere zall/sunder stunden in yedes wolges
 fallen. Der pfaffen geytz hat nachmals auch das kind tau
 fet/vnd im ein namen geben. Vorhyn/der vil gab/gab dz
 xl.teyl den priestern/der wenig/gab das lr. vnd was also
 zwischen xl. vnd lr. zügelassen zügeben / was yeder wolt/
 Im büch Samuelis am 8. capitel/als des künigs recht er
 zelet wirt/meldet d text/wie das er von der saat vnd wein
 Bergen den zehenden werd nemē. Vß disem allen nū mer
 wol vermerckt wirt/was vnd welche personen die altē vß
 dē Zehenden erhalten haben / vnd wem er nach rechne
 siger erforderung zügestandē ist. Spüchstu lieber was ist
 von nöten hie einzüfüren / wie es im alten Testament ges
 standen/wir sind vnder der gnaden vnd warheit. Dan dz
 gsatz durch Mosen geben ist / die gnad aber vnd die war
 heit durch Jesum Christū / wie sol mans im newen Testa
 ment halten/was haben wir da von den zehenden? Oder
 gils auch/man hat im alten Testament den zehenden ge
 ben/ergo/man sol yten im neüwen auch geben. Antwort.
 Im neüwen testament/kein büchstab ist/vns zwingen
 dezüm zehenden/dan das sie einfüren den phariseer Lu.
 18. damit yhre sach zü befestigen/ist so vil/als wen ich frag
 te nach der sunnen vnd mich einer wise vff ein laternen.
 Item/so sie herfür bringē vß Mat. 23. da Christus spricht
 Ir verzeendet die münz Arys vnd Rymel etc. dis solt
 man thün vñ yhens nit nachlassen. Keymet sich auch nit.
 Dan wir nit phariseer sind/denen er die acht wee am selbē
 ort treüwet. Vnd kurzumb/Es ist ein böße consequenz/
 wen man sagt/das ist im alten Testament gsün/darüb soll
 es im neüwen auch sein/damit den zü disen letzten zeitten
 Münch / Nunnen vnd Pfaffen yhre vnkeüsche keüschheit
 beschönen/zurwider von gott vßgesetztem vnd yederman

Der armē

Der künig
gen vñ re
gentē des
volcks.

Einred.

Antwort.

erlautem Felichen stand/ sprechende. Es gelte nit/ man
habe im altē Testament weiber gehabt/ darumb mans ye
gund auch haben solle. Daher ich dan des zehendes halbē
eben so kressfig schliessen mag. Gilt ynen eins gilt vns dz
ander ¶ Doch ist hierin der gnanten geystlichen finanzis
sche geschwindigkeit wol zu bedencken/ was ynen gefellig
vß dem alten testament/ habē sy heruß klubet/ das vnlieb
lich lassen ston. Die salbung hand sy von dem alten erwü
schet/ die Lewyber gelassen/ des zehendē sich wol gebu
chet/ aber des Halliars oder iubeliars darby weidlich ver
gessen. Land vnd leüt/ stett schlösser vnd flecken/ haben
sie ynen zugeeigt/ aber doch nit wollen da personlich wo
nen/ wid die Etimology yres eigen namens. Den Bischoff
einen Bedeütet / der bey den schaffen ist. Vnd also sind die
frumen leüt irs zeichens in roren gefessen / haben nach yre
gefallen pfeiffen gmacht/ vnd der götlichen geschriffte ein
wächsene nasen. Mit dem namen der Kirchen/ Christi/ sei
ner werden mütter Marie/ vnd aller gottsfälige/ yre vntu
gent im geytz/ hoffart/ in brachtliche titeln/ grossen stendē
lustbarlichem leben/ one creüz vnd trübsal/ etwan auch ü
ber keyser/ fürsten vnd hern/ vertedigt vñ beschönt. Gott
wölle sie erleüchten vnd erlösen vō den jochrimen des teü
fels/ Amen. ¶ Im beschluß aber diser predig wöllen mer
cken vff hellere erklärang der materi/ so wir morgen weit
leüffiger handeln wöllen. Das die so getreülich dienē/ ent
weders in geistlichem dienst götlichs worts/ oder in welt
licher oberkeit zu frid vñ vnderhaltung des rechten/ denē
ist man schuldig fürsehung zū thun/ man nenne sie wie mā
nur wölle. Dan ye würdig der arbeiter seins lons / vñ im
gsag Mose geschriben sthet. Du solt den Ochsen das Maul
nit verstopffen der do dräschet/ welchs ja vmb vnser wil
len geschriben ist. So soll man auch witwen vnd weysen/
deren vatter vnd richter gott selber sein wil/ alt leüt/ krack
arm/ presthaffig leüt vffs Brüderlichst bedenckē/ vff das

Der geyst
lichen ge
schwindi
keit.

wir ye vnser eigen fleisch nit verschmöhen / gott aber gefellig leben / der do wil nit opffer sund barmherzigkeit.

Ich laß mich auch nit dahin bereden / das weder hie zu Straßburg oder anderßwo / gemeine gotsfasten darumb vffgericht weren worden / das man vertruß hette / das der arm Lazarus für der thür des reichen mans lege vnd brot hiesche / darumb man yn dan mit ringem abgefertigt / es wer yhm leydlich oder nit / allein das er vns auß den augē käme / das dan nit allein vnmenschlich / sund entchriflich were. Die weil nun den armen verbotten ist von hauß zu hauß heischē / sol man yhn sunst zu hülff kōmen / man wöll sy den hungers tödten oder morden. Es gilt auch nit die einred etlicher sprechenden / wie das man mit gemeinē fasten mache ein farlessige vnd leichtuertige burgerschafft / das sie destminder arbeiten / dester mer brassen vñ schlemmen / verlassen sich vff die spangē / vffs almūsen etc. Dan einer chrifliche oberkeit da gebürt ernstlich einsehēs zu haben. Der vermūglich ist vnd mit wenig sich benügen laßt darff nit bettlen. Darumb wo solche weren / die solte man zu der arbeit zwingen / oder zu den stetten vfftreiben.

Ob das al
muß licht
uertig bür
ger mach

Die trink
stübē sche
dlich.
Ein rech=
ter gmein
er nütz.

¶ Es möcht auch ein oberkeit mit den trinckstaben vnd der gleichen schadhafften gsellshafften füglich enderung fürnemen. In summa / wol dem gemeinen nütz / da wenig müßiggonder / da man mit schülen / predicanten vñ pfarrhern / mit weiser onsträflicher oberkeit versehen ist / Der so getreulich der gemein dienet / es sey im geystlichem od weltlichem / mag sich der arbeit vñ des schweiß anderer gebuhen. Der nit dienet / sehe zu mit was gewissen er besitz / dz im in keinen weg gebürt / obs nit diebstal sey / reuberey vñ vnfertig gütt. Darumb so du nit bist vñ der dryen ordnūg einer / nimpst aber zehenden vnd tribut / erbibdme in dir selber / Besser dich / vnd thū rechtschaffne frucht der büß. Es wirt alles sein richter sünden hab kein zweiffel / Ir nit Gott mag nit / lieben geistlichen iunckhern betrogē werdē.

Vnd was wil es vch helffen ob yhr schon die gantz welt
gewinnen/verlürn aber/oder beschädigen vch selbs. Ge
dencken an den reichen man Lu. 12. dem gsagt ward/ diese
nacht werden die teuffel die seel von dir fordern/ vnd wes
würt sein / das yhr mit solchem schinden vnd schaben der
armen vfftreiben vnd zusamen huffen. Sehet zu vñ hütet
euch vor dem geytz. Samlen vch schätz vnd werden reich
in gott / der do wöll vch vnd vns allen sein barmhertzig
keit gnediglich verleihen/ Amen.

End der ersten predig von den zehenden.

Die ander predig von den Zehenden. Vff den xxi. tag Nouembris.



Also lieben fründ. Die weil mir vñnd ein yeden
zūston wil / der do begert ein wegfürer zū sein/
aber nit blind / das er das hertz des gerechte nit
verurig mache mit der lügen / vnd auch die hend
der gottlosen nit stercke. Bin ich verursacht worden / von
den zehenden zū sagen. Vff das man wisse was man vor
gott schuldig sey / vnd wie schwerlich die sündigen / die do
diebstlich vnd bößlich sich mösten vß dem schweiß der ar
men. Ich hab aber gesagt mit solcher protestation / das
wie wol die pfaffheit / münch / clöster vnd stift / wie sie yez
zund sind / nit überuß vil rechts haben zum zehendē / wil
doch nicht yeglichem zimmen mütwilliglich gegen ynē
handlen / sunder einer oberkeit / so das schwert nicht vmb
sunst tregt / gehört zū / das sie im geyst vnd in der krafft ze
lie des propheten / oder der künig Josie vñ Ezechie herfür
trette / vnd handle yrer armen gemein zū güt / gegen denē
Baals pfaffen / vnd bergkilchen knechten / damit die gots

Eigensch
afft eins
guten pre
digers.

Einöber=
keit sol hi
rin hädle.

Geschrey
wider diß
predigen.

Jegliche
zeit hat y
re pharise
er.

Man muß
mit bloßer
warheit
handeln
vnd gott
lassen wal
ten.

lesterige mißbreuch wurden gar hin genommen / oder wo
das ye nit sein möchte / geringert. Als so vil köpff / so vil
sin auch. Nach dem ich mit der sporn reffen warheit der ze
hendhengst vnd wucherstier zarte oren kum ein wenig an
tastet hab / offenbaren sie die gedanckē yrer hertzen / schrey
en wunden vnd waffen / toben vnd rosen / verlachens vñ
verspottens. Vnd beschicht mir eben wie Christo vnserm
hern da er predigte Lu. 16. wie das nieman möchte zweyē
herren dienen / entweder einen müste er hassen / den ande
ren liebhaben / einem anhangen / den andern verschmehe
Dañ man möchte nit dienen gott vnd dem Mammon.
Da haben diß alls samen die phariseer gehört / so geytzig
waren / vnd yhn verspott. Also thün die pharisaisch gno
sen zū vnsern zeitten auch (wie dan ein yeder phariseer
hat von denen Christus leyden muß / vnd die warheit ge
stumpfiert werden) Leyden möchte sie / es leibte sich / wie
es sich ioch selete. So man jr vntugent entdeckt / wie sie dz
almüsen gumpen lassen / vnd den armen das yhr vorhaltē
üppig verzeren vnd vergeiden mit leichtuertigen personē
so verspotten sie das wort / Geben für es sey nit wie man
darvon sage. Das geich / wie heistis / das geistlich recht sey
darwider / vß dem sie dan auch zū beweisen sich berett ha
ben / wir sein ketzer / versürer des volcks etc. Aber yr deck
mentele vñ beschönung würt sie nit helffen / den ob sie sich
schon vor den menschen recht mache / mit solcher hochtra
sender red / so erkent doch gott yhre hertzen. Die weil ich
nun nit soll / wie gsagt ist / die hend der gotlosen bestetigen
sunder beschreyen vnd straffen / bedrauwen vnd ermanen
es sey zür zeit oder zür vnzeit. Vnd auch die propheten nit
vffgehört haben zū straffen die / von welchē auch kein bes
serung was zū verhoffen / als man lißet 3. Reg. 13. vñ Jes
roboam vnd Semaia. Ja die im grund falsch herten sind
so den sündenden nit widerston / sie sein ioch wer sie wölle.
Wil ich in der materi fürtsaren / vß das alle so nit vß den
drien

in ordnung daoben anzeigt sein / erkennen vnd wissen / wie
das sie wider gott vnd irer selen heil den zehenden einnes
men (so dan ein ganze gemein mit verwilligung einer ober
keit / als zu erachten ist / angenomen hat zu entrichten) Als
zum. 1. sein / die nit im wort vor sein. 2. so dem gemeinen nutz
nit dienen. 3. die nit arm sein / alt franck wirtwe oder wey
sen oder der gleichen.

Vnd würt da kein erdichte ongegründte entschuldigug
gelten / darumb sich niemant wolle betriegen. Dan du got
deinen ratschlag nit wurst mögen bergen / als so du sagen
woltest. Wer sieht mich wer erkent mich? Ich bin ein prie
ster / vnd thetest kein recht priesterlich ampt / sonder mit
spilen / hüren selen verführen vnd aller hand laster / übers
treffestu die aller ergsten hürenwirt / will geschwigen die
heimlichen laster / daruon ein schand ist zu reden. Eph. 5.
Oder so einer sagen wolt. Ich bin ein fürstender / ein lands
herz / ja / mitt dem namen / aber mit der that vergleiche er
oder übertrefse den Phalaridem Dionysium oder Polycra
tem / deren grülichen tyranney in aller welt erschollen ist.
Item so einer sprech / er were arm / besesse doch vnder dem
titel der armüt vnd des Bettels / alle gütter in allem übers
fluß / wie dan durch Bettel münch vnz hieher beschehē ist /
nit on grosses nachteil der rechtgeschaffnen armen. Gott
sicht zu / des augen auffgethan über allen weg der kinder
Adams. Wie lang haltestu vff vnserē solē / möchte yeman
sprechen / far mit der sprach herfür / machs bloß. Sag den
blüt heraus. Geben wir zehenden / oder gebē wir nit. Also
Beinach sagtē auch die gesanten von Phariseern zu Chris
sto / von dem tribut des Keyfers. Geben wir / oder gebē wir
nit. Nun versihe ich mich nit gegen euch / das ir der phari
seier jünger seit / oder Herodianer / das ist / dem tyrannischē
weltlichem oder geystlichem gwalt anhengig / dan sunst
sagt ich eben das so der herz den selbigen antwortet. Was
versüchen ir mich / ir laruē träger? Was got michs an wie
C

Faule ent
schuldigung.

Böser prie
ster.

Tyranni
scher re
gierer.

Reicher
bettler.

Gebē wir
zehenden
oder gebē
wir nit.

man das zeitlich güt handle / wer hatt mich gesetzt zu ein
teiler / der ich das reich gots predige / vñ das Euangelion
der gnaden bezeüge. Geben gott was got zústat / was gat
mich der welt narrey an.

Beschluß =
lich ant=
wurt.

Dieweil mir aber kuntbar ist ewer ersam billich vñ gang
Christlich erwartē / auff beschlusliche antwort liebē fründ
vñ Brüder. Sag ich also auffss kürzest vñ klarest zum ersten.

Auß götlichem rechten mügen wir nit zwingen werden
den zehenden zu geben. Vrsach kein geschriff vns als chri
sten dahin verbindet. Dan vom gesetz sein wir gefreyet.
Es ist auch alles vnser / es sey die welt / das leben oder der
todt / dz gegenwertig oder dz zukünfftig / spricht Paulus /
alles vnser / wir aber Christi / Christus aber gotes. 1. Cor. 4.
Ro. 13. Seit nieman nüt schuldig / dan dz ir eüch vnder ein
ander liebet. Den wer den andn liebet hat dz gsatz erfüle.

Zum andern. So lang dich weltlich oberkeit zwingt zes
hendē zu gebē / so gib in. Es ist ein eüfferlich ding obs dich
schon arbeitselig machet / bringts doch kein schaden der see
len. So leret dich auch Christus Mat. am. 5. Wan yemant
mit dir rechten wil / vnd deinen rock nemen / dem laß auch
den mantel. Wo du aber frey magst werden on grosse ent
börung / vñ dem Kercker darin du on alle billikeit gefangen
entrinnen magst / ey so brauch dir der freyheit.

Zum dritten. Die weil ein Christliche oberkeit / vätterlich
auffsehens haben soll gegen iren vnderthonen / stot inen
ampts halbē zu solche vnbilliche vñ onleidliche beschwer
nus abzúthün oder auffss wenigest miltern / wie dan die re
gel Christlicher lieb / wol möchte leidliche mittel fürschlas
gen. Was wolgefalles / sols bringen im gmeinen man / so er
verwent würt / er geb sein schweiß vnd saure arbeit zur für
derung der Ker gottes / vnd seins worts / zu errettung des
rechten / zur auffenthaltung der armen vñnd bekümmerten /
das er vor seinen augen sehen muß / wie solchs in Lebruch
Hürey / Spiln vnd pancfetirn / frawen vnd Knaben zimer

7
(Wer sey den orient) gewendet wurt. Vnd mit dem/ das et/
wan notwendig des armen mans weib kind vnd gkind
nieman / dan das aller leichtuertigest volck in alle mütwil
len erhalten wurt/ vnd dargegen mit linsen groß von ynen
Beschicht/ darumb sie dan tyranisch dē zehendē erforderē.

Dan ob sie schon sagen wurden. Das wir zehenden nhe
men/ so singen wir daran/ Betten übel/ wie heists/ sibē zeit
tragen schwarz kappen/ weiß chorhembder/ hupffē vmb
die altar etc. Ach des ellenden gesangs. Küßt laut lieben
priester Saal. Dan er ist ein got/ er tichtet/ od hat zūschaf
fen/ oder ist überfelt/ oder schlefft velleicht d; er vffwache.
Wil gott auch die lefftzen verding/ so das hertz weit von
dan ist. Esa. 19. Math. 15. Paulus zū Eph. 5. sagt/ man
sol reden vndereinander von psalmen/ lobsengen/ vñ geist
lichen lieden/ vnd dem herin im hertzen singen vnd spie
len. Ab dem euwer geseng vnd Betten/ so weit hindan ist/
als Orient von Occident. Dem pharisaischen soltes sich
Bass gleichē/ dan solche im schein des gepets/ der witwen
heuser fressen vnd bliben ynen doch die balcken nit in den
helsen/ so groß war ir schlund. Got gesegnes inen wie dem
hund das grass. Ja sagent weiter wir seind beschoren/ Als
ob nit narren auch beschoren weren / vnd hetten doch nit
dester mer heiligs geists. So dienet es auch wenig zū billi
cher erfordrung/ wir tragen kappen ic. dan die rappen tras
gen auch schwarz kappen / vnd die schafft in den heusern
draffter stond auch vol blatten. Auß mit den besudleten be
schönungen/ bringen andere krefftigere herfür/ oder lieben
gesellen wir werden sagen/ das ir mit bösem titel vnd vil
böserer Conscientz den armen gliedern Christi das ir entwe
ren. Darzū vns dan der glaub tringet/ vnd die liebe gegen
ewerm heil vñ aller menschen. Gott hat geredt/ wer wolt
nit prophetiziren. Ob wir schweigen/ wurden die stein an
fahen zū reden. Bessert eüch/ die art stat am Baum.

Wie thette man im aber kan man dann mit dem kopff

C ij

Faulc be=
schönungē
d' zehendē
schlucker.

Wie doch hindurch lauffen/ vnd alle ding zūmal vmbstürzen. Nū
der sachē müssen wir ye warnemē/wes geists kinder wir siend. So
zūt hū. sind sie vnserē brüder/vnd iren vilen/wun vnd wee ist bey
dem genärlichem stand. Sind darhinder kōmen/wie das
viech hinder den Cuntzen. Arbeiten mögen sie nit / So bes
schemen sie sich zū bettlen. Was sollen sie nū ansehē:
Man weiß zū guter maß wol/ wie fürsten vnd herin/der
Adel vnd Burgerschafft / ire kinder vnd freünd versorgt
haben in stiftē klōstern vñ pfrunden/das sie erger kum hetz
ten gehandelt/so sie tausent schwert durch sie gestochē het
ten so sie also in der hellen abgrundt gestossen haben/ir eis
gen blūt vnd fleisch vnd ewiglich verderbt vff das der
stam nit verdürbe oder arm wurde. etc.

¶ Das got wolte / das disse vnser reden/ire hertzen auch
zursteche/wie die predig Petri Acto. 3. die treitauent selen.
Vnd wie yhene sagten zū den Ap ostelen / Was sollen wir
thon. Das disse auch vnserē wort gern annemen/vnd lief
sen ynen helffen auß diesem vnschlachtigem geschlecht.
Weder ires leibs noch lebens / ehr oder gūts Begeren wir/
sind ynen weder find noch heffig. Aber grosse traurigkeit
vnd schmerzen haben wir on vnterlaß vmb iren willen/
sollen sie also verderben vnd mit ynen vil verderben. Wol
ten gern auch verban sein yne zū gut. Das gibt vns zeüg
niß vnser gewissen im heiligen geist. Nun ist wol ratt zū
finden/wo sie nit hartnäckig sein wöllen / onbeschneitner
hertzen vñ leffzen/ vnd dem heiligen geyst widerspenstig/
der dan ein geist ist des rats.

Man findet noch ein solche tapffere Erbarkeit / ein sol
chen glauben vnd Barmhertzigkeit in Christlichen obern/
auch im gemeinen volck/das man nieman wurde beleidig
gen/mit yedermā gedult vnd erbarmuß haben. Wo man
aber ye dem tauben müßte die sabeln sagen/ vnd die so d
handel entlich betrifft / gleichsam den tauben otteren/ die
ir oren zū stopffen/ dz sie nit hören die stymē des zeuberers/

Es ist wol
rat zū fin
den.

des beschwerers so wol beschweren kan / verachteten alle manung / gleich dem Pharaoni / so verseh man sich nit anders / dan gar keiner rüg / sunder das der Gerasener geist solche / wie auch Pharaonē in die verderbnüß vñ abgründ auch treiben werde.

Darum̄ entlich lieben Brüder. Ir seyen münch od pfaffen od ia wer ir wöllen. Güt gemeine ichs gegē eüch / Gott ist mein zeüg. Bedencken euwere berüffung. Habt vor augen das end des glaubens / die selikeit der selen. Gebt vch in ein erbar chüstlich onstrefflich leben. Zürerey vñnd alle onreynikeit oder geiz last nit von vch gesagt werdē / wie den heligen zūstat. Dann das solt ir wissen das kein bñler oder onreynner / oder geiziger / erb hat in dem reich Chusti vñnd gottes. Lassent thānen der engel stim in ewern oren Gen. 19. Helffen ewern selen / thūn oren vñd augen zū / sehē nit zū ruck / auff Bāpst / Concilia / vätter / vñnd auff die so vñder den bischoffshüten seelmördische wölff sein. Sund sehen auff das recht ist vñd in der geschriffte gegründet / die die ir lesen sollen / verstōn vñd leben. Vñd haben kein zweifel / es würt eüch an zeitlicher narung gar neüt presten. Der prophet David ist jung gewesen vñd alt worden / hat aber nit gesehen den gerechten verlassen oder seinē sōmen nach brot gon. So ir suchen das reich gots / würt eüch dz ander alles zū fallen. Wo aber ir selber nit predigen das euangeliū / das dan̄ das recht geistlich bischoflich vñ priesterlich ampt ist so weren doch nit / verbieten nit andern zū predigen / veriagen vñ veruolgen sie nit / sunder faren mit senste liebe zucht vñd gütte / haben sie in grossen werd / als die so zwifacher eer würdig seind. Geben jnen vñnd andern ein hertz / stadt vñd platz mit aller freidigkeit das wort gots zū verkündigen so werden ir grossen gunst bey dem volck erlange / vñ keine abbruch ewers einkōmens besorgē derffen. Doher dan̄ Stiffen vñd Thūmstiffen / Clōstern vñd Klusen zū raten were / die weil sie mit dem verderblichē Inco-

Gemeine
warnung
andie geist
lichen.

Das ver
derblich
incorpirn.

C. iij

Vnchristliche
fürnem
en etlich
erstift.

portren/gots dienst/gots wort/gots diener/vnd gots sacrament verstorvt vertilgt vñ verlostert haben/dz sie ernstlich einsehens nun mee hetten täglich geschickte vñ Christliche personen zu den pfarren vnd predicaturen verordnen/die mit euangelischer leer/mit einem leben/sich der leergmessende / Item mit güttatten das volck an sich zogen. Dan also wellen fürtsaren / vil einnemen / wie vntz hieher beschehen / vnd dargegen nüt götlichs handlen/würt got oder die welt/nit lenger mögen leiden. Vnd das erdtreich zuletzt solchs müssen außspeyen. Ich hab jnen lengest geschworen bey dem lebendigen gott/ wo sye das spil übersehen/würt jnen beschehen/wie dem hund/der das gras gefressen hett. Es haben sich etlich Thümstift hören lassen/sie wollen kein Lutherischen predicanten oder pfarrherren tuldern (dan also nennen sie die/so mit der geschriffte liecht/ire der pfaffen finsternuß entdecken/vnd wie Sapient. am 2. statt/die jnen vnnütz seind/iren wercken zu wider) Denē wil ich hie bezeügen vor gott / vñ dem herin Jesu Christo/der do künfftig ist zu richten die lebendigen vñ die todten/Bey seiner erscheinung vnd bey seinem reich. Es sey dan dz sie auffs fürderlichst sich bekeren vnd bessern/vnd nit widerstreben dem des geist in seinen naslöchern Esa. 1. Nemen an die gots botten / so sie Lutherisch achten/hinweg jagen/die so verführung irs hertzē predigē Hier. 23. so würt auß mit jneu sein/eb sie sich umbsehē/ Ob sye schon künig mössig weren in einkömen pracht vnd reichumb. Sollen auch kein friden nit verhoffen. Dan es muß jnen beschehē/wie Amos am. 5. stat. So sie fliehen werden von dem angesicht des lewen/würt in ein böz entgegen lauffen/vnd so sie in das hauß fliehen/vnd sich an die wānd anleinen/würt sie die natter beissen.

Summa sum
marum.

Summa. In geistlichen stand sein / selbs nit getreulich predigen vnd dem volck dienen / auch nit mit leyb seel eer vnd güt helffen vnd ratten/das andere predigen. Ist sich

dem teuffel mit leib vnd seel ganz ergeben.

Ach Barmherziger gott nim jnen hinweg ir sicherheit in irdische ding/da mit sye darin irs schöpffers vergessen/vñ fürchten sich vor einem tödtlichen menschen/der wie gras eintoret. Wende von jnen ir vnwissenheit vnd blindtheit das sie nit so mit grossem vorteil/ des teuffels/vñ nachteil der armen ellenden selen in dein volck frewen vnd wüten. Hilf gott/das der gotlosen begird verloren werde.

Diß ir aller liebsten hab ich diser zeit reden wollen von den zehenden / mit gütiger freüntlicher erbietung / gegen allen so mich Bessers vnderweisen mögen / wo aber ye yemans were / den nach sein hohen verstand bedunckte ich hette im zü vil thon oder zü wenig / wo ich des vnderwissen/wil ich gern Reuocirn / das ist/ widerumb vnd klärer darvon sagen vñ schreiben/Auch mer würtz/wie man sage an den pfeffer thun. Sie will ichs jertz lassen bleiben. Gott geb vns sein gnad/vñ seins geists zehenden/Amen.

Faint, illegible text, possibly bleed-through from the reverse side of the page. The text is arranged in several lines and is significantly faded.



153998

X 202 106

No 1005

147
112







105

dem zehenden
den Zwo trefflicher pre
dig/ Bescheen im Münster zu Straß
burg / Dffden .xx. tag
Nouembris
Anno M. D. XXIII.

Mit Sendbrieff
An das christlich heüßlin im
Kinckgaw / Menzer
Bistums.

Durch D. Casparn Hedion.